

# ՆԵՐՔԻՆ ՊԵՏԱԿԱՆ ՊԱՐՏՔԸ

## Օգտագործված հապավումներ


- ՆՊՊ-ներքին պետական պարտք
- ՊՊ-պետական պարտատոմսեր
- ՊԿՊ-պետական կարճաժամկետ պարտատոմսեր
- ՄԺՊ-միջին ժամկետայնության պարտատոմսեր
- ԵՊ-երկարաժամկետ պարտատոմսեր

ՀՀ ներքին պետական պարտքը ձևավորվել է 1995թ-ին՝ պետական պարտատոմսերի թողարկմամբ: Մինչև 2000թ. թողարկվել են միայն կարճաժամկետ պետական պարտատոմսեր, 2000թ. մարտ ամսին առաջին անգամ թողարկվեցին միջին ժամկետայնության մասնակի մարումներով արժեկտրոնային պարտատոմսեր: 2004թ. սեպտեմբերից թողարկվեցին միջին ժամկետայնության արժեկտրոնային պարտատոմսեր և երկարաժամկետ արժեկտրոնային պարտատոմսեր:

Անցած տարիների ընթացքում ներքին պետական պարտքի ծավալները, ժամկետայնությունն ու եկամտաբերությունը դրսևորել են հետևյալ միտումները (տես գծ.1).

**Գծապատկեր 1**

**ՆՊՊ-ի ծավալները և ժամկետայնությունը 1995-2006 թթ.**



Սպասարկման ծախսերի տարեցտարի նվազումը և ներքին աղբյուրների հաշվին պետական բյուջեի դեֆիցիտի ֆինանսավորման հնարավորության մեծացումը վկայում են ներքին պետական պարտքի կառավարման արդյունավետության մասին(տես աղ. 1):

**ՆՊՊ-ի գծով կատարված գործառնությունները 1995-2006թթ.**


մլն. դրամ

|         | Պետական պարտատոմսերի տեղաբաշխում | Պարտատոմսերի տեղաբաշխումից հասույթ | Պարտատոմսերի մարում | ՆՊՊ-ի սպասարկում | Դեֆիցիտի ֆինանսավորում |
|---------|----------------------------------|------------------------------------|---------------------|------------------|------------------------|
| 1995 թ. | 750.7                            | 717.6                              | 516.7               | 24.0             | 200.9                  |
| 1996 թ. | 19,438.6                         | 17,299.9                           | 8,836.5             | 592.3            | 8,463.4                |
| 1997 թ. | 41,360.0                         | 32,998.1                           | 23,886.6            | 4,524.3          | 9,111.5                |
| 1998 թ. | 36,567.8                         | 29,728.2                           | 31,636.7            | 9,329.8          | -1,908.6               |
| 1999 թ. | 57,561.9                         | 47,757.6                           | 46,801.4            | 10,801.6         | 956.2                  |
| 2000 թ. | 44,847.2                         | 40,744.4                           | 38,962.4            | 9,353.9          | 1,782.0                |
| 2001 թ. | 45,914.6                         | 41,890.4                           | 35,935.7            | 6,541.5          | 5,954.7                |
| 2002 թ. | 41883.8                          | 38,202.8                           | 34,255.5            | 5,955.3          | 3,947.3                |
| 2003 թ. | 43,300.0                         | 40,267.0                           | 37,963.7            | 5,587.3          | 2,303.3                |
| 2004 թ. | 43,900.0                         | 44,018.2                           | 38,435.5            | 5,408.2          | 5,582.7                |
| 2005 թ. | 46,800.0                         | 45,701.6                           | 39,333.4            | 5,066.4          | 6,368.1                |
| 2006 թ. | 32,253.6                         | 32,474.9                           | 25,392.1            | 5,251.1          | 7,082.8                |

**Գծապատկեր 2**

**ՆՊՊ-ի գործիքակազմը 1995-2006 թթ.**

մլն. դրամ



**2006 թվական**

2006թ. դեկտեմբերի 31-ի դրությամբ ներքին պետական պարտքը բնութագրող ցուցանիշներն ունեն հետևյալ տեսքը.


- Ներքին պետական պարտքն անվանական արժեքով կազմել է 57,962.8 մլն. դրամ, որից պետական կարճաժամկետ պարտատոմսերը՝ 7,699.6 մլն. դրամ, միջին ժամկետայնության պարտատոմսերը՝ 38,087.8 մլն. դրամ և երկարաժամկետ պարտատոմսերը՝ 12,175.4 մլն. դրամ:
- Պետական պարտատոմսերի գծով դեֆիցիտի ֆինանսավորումը կազմել է 7,082.8 մլն. դրամ:
- Միջին կշռված եկամտաբերությունը կազմել է 7.08%:
- ՊՊ-ների միջին կշռված ժամկետայնությունը կազմել է 1348 օր (ՊԿՊ-եր՝ 74 օր, ՄԺՊ-եր՝ 766 օր և ԵՊ-եր՝ 3977 օր):

2006թ. դեկտեմբերի 31-ի դրությամբ ՆՊՊ-ն բնութագրող ցուցանիշներ

|  | առ 31.12.2005թ | առ 31.12.2006թ |
|--|----------------|----------------|
| Ներքին պետական պարտքը անվանական արժեքով (մլն.դրամ) որից՝ | 51,347.49      | 57,962.8       |
| կարճաժամկետ պարտատոմսեր (մլն.դրամ)                       | 6,500.00       | 7,699.6        |
| միջին ժամկետ. պարտատոմսեր (մլն.դրամ)                     | 36,487.49      | 38,087.8       |
| երկարաժամկետ պարտատոմսեր (մլն.դրամ)                      | 8,360.00       | 12,175.4       |
| ՆՊՊ ժամկետայնությունը (օր) որից՝                         | 1100           | 1348           |
| կարճաժամկետ պարտատոմսերի համար (օր)                      | 190            | 74             |
| միջին ժամկետ. պարտատոմսերի համար (օր)                    | 721            | 766            |
| երկարաժամկետ պարտատոմսերի համար (օր)                     | 3465           | 3977           |
| ՆՊՊ եկամտաբերությունը (%) որից՝                          | 7.3085         | 7.0844         |
| կարճաժամկետ պարտատոմսերի համար (%)                       | 3.8002         | 5.2225         |
| միջին ժամկետ. պարտատոմսերի համար (%)                     | 7.7077         | 6.9699         |
| երկարաժամկետ պարտատոմսերի համար (%)                      | 8.2936         | 8.6203         |
| ՆՊՊ / ՀՆԱ (%)  | 2.30           |                |

Գծապատկեր 3

2006թ. դեկտեմբերի 31-ի դրությամբ ՆՊՊ-ի կառուցվածքն ըստ թողարկման ժամկետայնության



**ԱՌԱՋՆԱՅԻՆ ՇՈՒԿԱ**

2006թվականին «ՀՀ պետական բյուջեի մասին» ՀՀ օրենքով պետական պարտատոմսերի հաշվին նախատեսվում էր բյուջեի դեֆիցիտը ֆինանսավորել 7.0 մլրդ. դրամով և վճարել 6.2 մլրդ. դրամ սպասարկման ծախս:

2006թվականի ընթացքում տեղի է ունեցել 47 թողարկում, որից 28-ը՝ ՊԿՊ, 13-ը՝ ՄԺՊ, 6-ը՝ ԵՊ թողարկումներ են: Թողարկվել է 37.0 մլրդ. դրամ ծավալով պարտատոմս: Պահանջարկը կազմել է 69.9 մլրդ. դրամ, հետևաբար, պետական պարտատոմսերի թողարկման ծավալի նկատմամբ պահանջարկը գերազանցել է 1.89 անգամ: Տեղաբաշխվել է 32.3 մլրդ. դրամ: Պետական պարտատոմսերի տեղաբաշխման ծավալի մեջ ՊԿՊ-երը կազմել են 9.3 մլրդ. դրամ (29%-ը), ՄԺՊ-երը՝ 16.6 մլրդ. դրամ (51%-ը), իսկ ԵՊ-ները 6.3 մլրդ. դրամ (20%-ը): Տարվա ընթացքում կատարված ՊԿՊ մեկ թողարկման ծավալը միջինը կազմել է մոտ 619.0 մլն. դրամ, ՄԺՊ-ն՝ 1,500.0 մլն. դրամ, ԵՊ-ն՝ 1,500.0 մլն. դրամ: 2006թ-ի ընթացքում ՀՀ ֆինանսների և էկոնոմիկայի նախարարությունը իրականացրել է պարտատոմսերի ամենամսյա հետզնում՝ 5,793.2 մլն. դրամ ընդհանուր ծավալով: Հիմնականում հետ են գնվել միջին ժամկետայնությամբ մասնակի մարումներով պարտատոմսեր, որոնց եկամտաբերությունը զգալիորեն բարձր էր շրջանառող պարտքի միջին կշռված եկամտաբերությունից: Հետզնումների նպատակն էր բարելավել ՆՊՊ-ն բնութագրող ցուցանիշները, նպաստել ՊՊ-ի իրացվելիության բարձրացմանը:

2006թ-ի ընթացքում կատարված տեղաբաշխումների միջին կշռված ժամկետայնությունը կազմել է 1551 օր, տեղաբաշխման եկամտաբերությունները տատանվել են 3.4%-10.5%-ի սահմաններում, իսկ տեղաբաշխման միջին կշռված եկամտաբերությունը կազմել է 6.4467%: (տես աղ. 3):

Աղյուսակ 3

**2006թվականի ընթացքում ՊՊ-երի եկամտաբերության և ժամկետայնության ցուցանիշներն ըստ ամիսների**

| Ամիսներ   | Նվազագույն եկամտաբերություն (%) | Առավելագույն եկամտաբերություն (%) | Միջին կշռված եկամտաբերություն (%) | Տեղաբաշխման միջին կշռված ժամկետ (օր) |
|-----------|---------------------------------|-----------------------------------|-----------------------------------|--------------------------------------|
| Հունվար   | 4.5000                          | 5.2480                            | 4.9396                            | 455                                  |
| Փետրվար   | 3.8446                          | 5.0000                            | 4.5864                            | 489                                  |
| Մարտ      | 4.0000                          | 8.9888                            | 6.5803                            | 2842                                 |
| Ապրիլ     | 3.4000                          | 6.8990                            | 5.7795                            | 964                                  |
| Մայիս     | 4.8000                          | 6.9898                            | 6.1700                            | 1340                                 |
| Հունիս    | 4.8500                          | 10.0000                           | 7.6055                            | 1906                                 |
| Հուլիս    | 4.7000                          | 6.9200                            | 6.0482                            | 1022                                 |
| Օգոստոս   | 4.8500                          | 6.9800                            | 6.1578                            | 1275                                 |
| Սեպտեմբեր | 4.9000                          | 9.7500                            | 7.6169                            | 2191                                 |
| Հոկտեմբեր | 4.9000                          | 6.9434                            | 6.3069                            | 1161                                 |
| Նոյեմբեր  | 5.0000                          | 7.0000                            | 6.2068                            | 798                                  |
| Դեկտեմբեր | 5.9876                          | 10.5000                           | 7.8318                            | 2762                                 |
| Ընդամենը  | 3.4000                          | 10.5000                           | 6.4467                            | 1551                                 |

Աղյուսակ 4

**2006թվականի ընթացքում ՊՊ-երի հետ կատարված գործառնություններն ըստ եռամսյակների**

մլն. դրամ


| Եռամսյակներ     | Թողարկում       | Տեղաբաշխում     | Հասույթ         | Մարում          | Սպասարկում     | Ղեփիցիտի ֆինանսավորում |
|-----------------|-----------------|-----------------|-----------------|-----------------|----------------|------------------------|
| I               | 7,500.0         | 7,840.0         | 8,037.9         | 6,827.8         | 1,383.6        | 1,210.1                |
| II              | 9,500.0         | 8,039.1         | 7,998.2         | 5,086.7         | 1,035.4        | 2,911.5                |
| III             | 9,500.0         | 7,873.9         | 7,889.4         | 7,198.4         | 1,136.8        | 690.6                  |
| IV              | 10,500.0        | 8,500.6         | 8,549.5         | 6,278.9         | 1,695.3        | 2,270.5                |
| <b>Ընդամենը</b> | <b>37,000.0</b> | <b>32,253.6</b> | <b>32,474.9</b> | <b>25,392.1</b> | <b>5,251.1</b> | <b>7,082.8</b>         |

2006թվականին պարտատոմսերի տեղաբաշխումից հասույթը գերազանցել է ՊՊ-ի տեղաբաշխման անվանական ծավալը (տես աղ. 4): Պատճառն այն է, որ տարվա ընթացքում թողարկված բոլոր ՄԺՊ-երն ու ԵՊ-երը տեղաբաշխվել են հավելավճարով (պարտատոմսերն իրացվել են անվանական արժեքից բարձր գնով):

2006թվականի ընթացքում պետական պարտատոմսերի հաշվին պետական բյուջեի ղեփիցիտն օրենքով նախատեսվածից ավել է ֆինանսավորվել 82.8 մլն. դրամով և կազմել 7,082.8 մլն. դրամ, իսկ սպասարկման ծախսերը տնտեսվել են 948.9 մլն դրամով՝ կազմելով 5,251.1 մլն. դրամ: Սպասարկման ծախսերի տնտեսման պատճառը ՊՊ-ի հետգնումների նախատեսված ծավալի համեմատ փաստացի փոքր ծավալներն են, ինչպես նաև ՊՊ-երի մարման բեռի ցրվածության մեծացումը՝ մինչև 2021թ-ը:


**Գծապատկեր 4**

**ՆՊՊ-ի եկամտաբերության և ժամկետայնության շարժը 2006թվականին**




Գծապատկեր 4-ից պարզորոշ երևում է, որ 2006թ-ի ընթացքում ներքին պետական պարտքի կառավարման բնագավառում հաջողվել է լուծել միաժամանակ երկու խնդիր՝ պարտքի ժամկետայնության երկարաձգում և եկամտաբերության իջեցում: Շնորհիվ երկարաժամկետ պարտատոմսերի թողարկման գզալիորեն բարելավվել է ներքին պետական պարտքի որակը, մարումների բաշխվածությունը կազմել է տասնհինգ տարի՝ մինչև 2021թ-ը: Տարվա ընթացքում նկատելի է ՄԺՊ-րի և ԵՊ-րի նկատմամբ պահանջարկի աճ, որը կարելի է բացատրել նաև բանկային համակարգում գրեթե միշտ առկա բարձր ավելցուկային իրացվելիությամբ, ինչպես նաև ՀՀ ֆինանսների և էկոնոմիկայի նախարարության կողմից պարբերաբար իրականացվող հետգնումներով (տես գծ. 5): ՀՀ դրամով պահուստավորվող միջոցների համար ավելցուկային իրացվելիության ազդեցությունը պահանջարկի վրա փոքր ինչ մեղմվել է՝ պայմանավորված ԿԲ կողմից սեփական պարտատոմսերի թողարկմամբ:

**Քանկային համակարգում առկա ավելցուկային իրացվելիության և ՊՊ-երի պահանջարկ/թողարկում կապը 2006 թվականին (երկշաբաթյակներով)**



Ինչ վերաբերվում է ՊՊ-երի նկատմամբ ձևավորված պահանջարկին, ապա դրա 95.6 %-ը (66.9 մլրդ. դրամ) ձևավորվել է գործակալների և դիլերների սեփական միջոցների, իսկ 2.7%-ը (1.9 մլրդ. դրամ)՝ նրանց ներդրողների հաշվին: 2006թ-ին պարտատոմսերի առաջնային տեղաբաշխման ժամանակ մասնակիցների կողմից ձեռք բերված պարտատոմսերի 65.3%-ը բաժին է ընկնում 6 գործակալներին, 30.9%-ը՝ 14 դիլերներին, 3.8%-ը՝ գանձապետական պահառու համակարգին: Պետական պարտատոմսերի սեփականատերերի կառուցվածքում տարվա վերջի դրությամբ գերակշռում են ՀՀ բանկերը՝ 82.7% տեսակարար կշռով: Ոչ ռեզիդենտների մոտ գտնվող պարտատոմսերի ծավալը կազմում է 0.13 մլն. դրամ, որն ընդհանուր ծավալում զրոյական կշիռ է կազմում (տես գծ. 6):

**ՊՊ-երի սեփականատերերի կառուցվածքը 2006թվականի դեկտեմբերի 30-ի դրությամբ**




**ԵՐԿՐՈՐԴԱՅԻՆ ՇՈՒԿԱ**

2006թվականի ընթացքում ՊՊ երկրորդային շուկայում կատարված առք ու վաճառքի գործարքներն ունեն հետևյալ տեսքը՝

- Կատարվել են 727 գործարքներ, որից 727-ը եղել են միջբանկային գործարքներ: ԿԲ-ի կողմից գործարքներ չի կատարվել:
- Գործարքների ընդհանուր ծավալը կազմել է 66,723.7 մլն. դրամ,
- Ըստ պարտքային գործիքների տեսակի երկրորդային շուկայում շրջանառել են.
  - ՊԿՊ՝ 6,624.5 մլն. դրամ
  - ՄԺՊ՝ 38,809.3 մլն. դրամ
  - ԵՊ՝ 21,289.9 մլն. դրամ
- Կատարված գործարքների միջին կշռված եկամտաբերությունը կազմել է 6.2478%
- Միջին կշռված ժամկետայնությունը՝ 1999 օր
- Միջին օրական ծավալը՝ 261.7 մլն. դրամ
- Գործարքների միջին օրական քանակը՝ 4:

**Գծապատկեր 7**

**2006թվականին երկրորդային շուկայում կատարված գործառնություններն ըստ ժամկետայնության**




2005թվականի համեմատ երկրորդային շուկայում ՊԿՊ-երի շրջանառության ծավալները բավականին նվազել են՝ մոտ 3 անգամ, ինչը պայմանավորված է կարճաժամկետ պարտատոմսերի առաջնային շուկայի հազեցվածությամբ ԿԲ թողարկած պարտատոմսերով<sup>1</sup>:

**Գծապատկեր 8**


<sup>1</sup> ԿԲ-ը 2006 թվականին թողարկել է 76.5 մլրդ. դրամ ծավալով կարճաժամկետ պարտատոմսեր՝ 5.44% միջին կշռված եկամտաբերությամբ:

**Կատարված գործարքների մեջ ՊԿՊ-ների, ՄԺՊ-ների և ԵՊ-ների տեսակարար կշիռը.**



**Գծապատկեր 9**

**2006թվականին երկրորդային շուկայում կատարած գործարքներն ըստ ամիսների**





**Պետական պարտատոմսերի երկրորդային շուկայի ծավալներն  
ու եկամտաբերությունները 2000-2006թվականներին**

|                     | գործարքների<br>ընդհանուր ծավալ<br>(մլն. դրամ) | միջին<br>եկամտաբերություն<br>(%) | կատարված<br>գործարքների<br>քանակը | միջին<br>օրական<br>ծավալը (մլն.<br>դրամ) | միջին<br>օրական<br>քանակը |
|---------------------|---|----------------------------------|-----------------------------------|--|---------------------------|
| 2000թ. <sup>2</sup> | 73,930.9                                      | 24,69                            | 2469                              | 289.4                                    | 9                         |
| 2001թ.              | 53,906.6                                      | 19,78                            | 1489                              | 211.4                                    | 6                         |
| 2002թ.              | 43,288.7                                      | 15,07                            | 1013                              | 171.1                                    | 4                         |
| 2003թ.              | 48,881.6                                      | 12,71                            | 1229                              | 194.8                                    | 5                         |
| 2004թ.              | 45,716.1                                      | 6.64                             | 734                               | 180.7                                    | 3                         |
| 2005թ.              | 77,200.9                                      | 5.43                             | 1466                              | 303.9                                    | 4                         |
| 2006թ.              | 66,723.7                                      | 6.24                             | 727                               | 261.7                                    | 3                         |

<sup>2</sup> Աշգրտված

## ԳԱՆՁԱՊԵՏԱԿԱՆ ՊԱՀԱՌՈՒ

Հայաստանի Հանրապետության կառավարության 2006 թվականի հոկտեմբերի 19-ի թիվ 1606-Ն որոշմամբ հաստատվել է պետական խնայողական արժեկտրոնային պարտատոմսերի թողարկման պայմանները և կարգը: Պետական խնայողական արժեկտրոնային պարտատոմսերը թողարկվելու են 2007 թվականից: Խնայողական արժեկտրոնային պարտատոմսերը թողարկվելու են 3 ամսից մինչև 25 տարի մարման ժամկետով, տեղաբաշխվելու են միայն Գանձապետական պահառու համակարգի միջոցով և վաճառվելու են բացառապես ֆիզիկական անձանց: Արժեկտրոնային եկամուտները կվճարվեն եռամսյակային, կիսամյակային կամ տարեկան պարբերականությամբ:

2006թ. դեկտեմբերի 31-ի դրությամբ Գանձապետական պահառուի կողմից իրականացված գործառնություններն ունեցել են հետևյալ տեսքը.


- մասնակցել է կազմակերպված ՊԿՊ-երի 21 թողարկումներից 20-ին,
- ներդրման ծավալը կազմել է 1,220.3 մլն. դրամ,
- թողարկված ՊԿՊ-երի 9.4 % ձեռք է բերվել ԳՊ-ի միջոցով (ԳՊ-ի ձեռք բերման առավելագույն ծավալը սահմանվել է թողարկման ծավալի 10%-ի չափով),
- միջինը մեկ աճուրդի ժամանակ ներդրվել է 58.1 մլն. դրամ,
- միջինը մեկ աճուրդում մեկ ներդրողի ներդրման ծավալը կազմել է 19.4 մլն. դրամ,
- միջինը մեկ աճուրդին մասնակցել է 3 ներդրող,
- մարվել է 720.1 մլն. դրամի պարտատոմս,
- դիլեր բանկեր է փոխանցվել 1,5 մլն. դրամի պարտատոմս,
- ընդամենը շրջանառության մեջ է եղել 970.4 մլն. դրամի պարտատոմս,
- դեպո հաշիվների քանակը կազմել է 689,
- գործող դեպո հաշիվների քանակը կազմել է 22,
- շրջանառության մեջ եղած պարտատոմսերի միջին կշռված ժամկետայնությունը կազմել է 94 օր,
- միջինը մեկ ներդրողի կողմից ներդրման ծավալը կազմել է 40.7 մլն. դրամ,
- միջինը մեկ ներդրողը մասնակցել է 1.4 թողարկման:

Ներդրման ծավալը 2005թ-ի նկատմամբ աճել է 78.8%-ով, իսկ ԳՊ-ով ձեռք բերված և շրջանառության մեջ գտնվող պարտատոմսերի ծավալը նախորդ տարվա նկատմամբ աճել է 105.8%-ով (տես գծ. 10):

**Գծապատկեր 10**

**Շրջանառության մեջ գտնվող պարտատոմսերի ծավալը 2006թ**

մլն. դրամ



2006թ. ընթացքում պետական կարճաժամկետ պարտատոմսերի տոկոսադրույքներն աճել են՝ խթանելով ներդրումները, որն էլ իր հերթին պատճառ է հանդիսացել շրջանառության մեջ գտնվող պարտատոմսերի ծավալի աճի:


*(ըստ եռամսյակների)*

| 2006թ.          | Տեղաբաշխում<br>(մլն. դրամ) | Մարում<br>(մլն. դրամ) | Միջին<br>եկամտարեություն (%) |
|-----------------|----------------------------|-----------------------|------------------------------|
| I եռ.           | 122.4                      | 27.2                  | 4.2                          |
| II եռ.          | 349.0                      | 146.4                 | 4.8                          |
| III եռ.         | 298.9                      | 202.5                 | 4.9                          |
| IV եռ.          | 450.0                      | 344.0                 | 5.4                          |
| <b>Ընդամենը</b> | <b>1,220.3</b>             | <b>720.1</b>          |                              |

2006թ. դեկտեմբերի 31-ի դրությամբ դեպո հաշիվների քանակը կազմել է 689, որը 8-ով կամ 1.2 %-ով ավելին է եղել նախորդ տարվա նույն ցուցանիշից (տես գծ. 11):

**Գծապատկեր 11**


*Դեպո հաշիվների դինամիկան 2006թ.*



Դեպո հաշիվների քանակի աճը ինքնին դրական երևույթ է, որը կարելի է բնութագրել որպես նոր ներդրողների մուտք պետական պարտատոմսերի շուկա՝ Գանձապետական պահառուի միջոցով:

**Գծապատկեր 12**

*Ներդրումներն ըստ ժամկետայնության 2006թ.*



Ներդրողների կողմից գրեթե հավասարապես գերադասելի են եղել 2006թ. թողարկված բոլոր ժամկետների պետական կարճաժամկետ պարտատոմսերը, որի արդյունքում տեղաբաշխվել է Գանձապետական պահառուի կողմից առաջարկված ծավալի 94%-ը, ինչն աննախադեպ ցուցանիշ է Գանձապետական պահառուի ողջ պատմության ընթացքում: